

萬曆

泉州府志

第四冊

七至九卷

任一年 王應巡候官人 十 陳元成寧德人 十 王文

道永平人 十 黃若雲長樂人 十 林建卿武平人

任年 陳文莆田人 二 范志統永安人 二 楊玉成建

人三十 蔡天爵光澤人 三 林騰詔安人 三 危用

一年任 邵武人 三 林宏簡福清人 三十九

安溪縣學

洪武間 洪鍾十四年任訓導 永樂間 胡儕海陽人 由舉

都綱俱教 吳衡 黃寧俱訓導 宣德間 鍾興

陳政俱教 黃琮 陳政俱訓導 正統間 盧宗

江永安俱訓導 景泰間 陳汝策 韋綱四年任

祿錢在京官員役錢僧道免丁錢紹興中令州買
木綿布伍千疋爲奉使賜予及使者私覲之用遂
爲例又有統制官供給錢經總制無額等錢名色
繁多皆官司隨宜措辦

國朝洪武間有雜色皮翎毛角弓弦箭之貢永樂間
有白糖霜糖沙哩別之貢後以經費所需始派各
色物料 額辦藥材牲口曆日紙張段疋弓弦箭
軍器雜皮翎毛等物 歲辦蠟茶水牛皮石大
青黑鉛銀硃銅鐵金箔牛觔綿羊皮楠木柁木杉
木等物 雜辦生漆棕毛雜皮黃蠟水膠白麻布

正紙張紵絲線羅荒絲鐵線木炭等物弘正間遞
增之皆倚辦於該年里甲而名數煩碎或增或減
或徵或否自有司莫能詳其來歷吏胥因之爲奸
虐派侵剋歲益滋甚至徵解之時主吏勒索無厭
往往耗折逋欠正德十五年沈御史行八分法通
融各縣應辦物料就於八分銀兩支解本府僉長
解買辦本色解部交納嘉靖二十六年議附田帖
徵銀解布政司支應

雜課

農桑絹帛時令長吏勸民廣植農桑有伐以爲薪

者罪之而調其絹紬絲綿以供軍南渡後軍儲不足絲絹並半折錢足貳千我

朝洪武初令民有不種桑麻木綿者罰之布帛後又令民於在官曠地種桑每畝四十株科絲伍錢每絲壹觔肆兩成絹壹疋長叁丈餘廼有司苟且具文奉行不虔遂變而徵銀每疋壹兩陸錢水脚貳錢捌分俱於通縣丁糧辦納非舊制也

魚課五代閩時凡江湖陂塘皆收其課宋至道間除之然州縣尚有採捕舟船之稅我

朝始立河泊所以權沿海漁利定納課米其後漁戶

逃絕者多額課辦納不敷廼有折徵之令每米壹石半納本色伍斗折色伍斗爲銀貳錢伍分人尚以爲病弘治七年巡按御史吳一貫奏准不分析色通徵銀叁錢伍分漁民廼得蘇息蔡文莊公爲作吳御史利民一事記本府魚課米共肆千柒拾伍石陸斗壹合叁勺有閏月加米叁百叁拾玖石陸斗貳升伍合捌勺

鐵課宋開寶中設諸州坑冶場務二百有一泉州產鐵之場在永春曰倚洋安溪曰青陽德化曰赤水而晉江之石菌廬灣牛頭嶼長箕頭惠安之卜

坑黃崎嶠頭許埭港尾沙溜盧頭峰前牛埭皆有
鐵砂慶曆三年立法禁興販入海後有詔許於兩
浙貨賣未幾罷至淳祐中永春東洋肥湖德化信
洋上田丘埕鐵砂尚有業作者通判掌之諸縣歲
有爐稅錢解送建寧府坑冶我

朝悉罷官坑冶鐵課均數丁田出辦本府歲入課貳
萬陸千柒百肆拾叁觔壹兩壹錢伍分內一半每
觔折鈔壹百貳拾文每貫折銀柒釐解布政司上
納

商稅課宋諸縣各有稅務其在城者曰都稅務在

外者外稅務政和紹定間盈縮不常於是有侵蠹
追賠之弊至漢守斗南廼取前十年月課逐月定
額稅錢十分爲率以其一納總制庫其一納財計
司餘八分從州納諸縣稅務初建後皆罷廢永簿
兼掌之其稅目有遺利錢賠綱錢糜費頭錢等名
國朝洪武初府置稅課司縣置稅課局令商稅三十
稅一巡欄者收所稅以季終交於局官而民間田
土交易官給工本墨令自填寫爲之印識以照之
亦收其稅永樂七年遣官點視按爲定額至正統
初詔革稅課司局鈔不及叁萬貫者有司無領之

後貨物弛不復稅課額倚辦於巡撫歲編有力人
戶充之其名目有商稅課門攤課桐油課果木課
蜂窩課窑冶課鑄瀉課礪房課麪稅課契本工墨
課共課鈔玖千捌百陸拾柒錠貳貫壹百伍拾文
酒稅課榷酒酤始於漢武宋閩中無禁及元有
之至元二十二年罷令諸路榷酒麪如京師例而
福建課額併入鹽運司二十八年依舊令有司辦
之我

朝因仍未革本府酒醋等課鈔貳千陸百壹拾錠貳
貫陸百叁拾玖文閩月加鈔貳百貳拾壹錠叁貫

壹百捌拾貳文

市舶稅課宋開寶二年置市舶司于廣州雍熙中
遣內侍八人賁勅書金帛分四路招致商人之往
番國販易者元祐中置市舶司於泉州南渡後舶
司歲入充盈然金銀銅鐵海舶飛運所失良多元
至元二十一年設市舶司於杭泉二州獨泉州於
抽分之外又取三分之一以爲稅凡金銀銅鐵男
女並不許私販人番大德七年罷尋置罷者三

國朝禁海船不許通番其諸番入貢者至泉州惟大

琉球所貢番物則市舶司掌之成化八年市舶司
移置福州而比歲人民往往入番商販所販國名
曰呂宋諸番以時萃焉其稅則在漳州海澄海防
同知掌之謂之市舶司可也萬曆三十二年礦稅
後興有妄男子張嶷上書言夷中有機易山者產
金可采因入呂宋國中漳泉二郡賈客奉以爲天
使呂宋夷人慮我欲圖其國侯嶷去盡屠諸賈人
而近日之趨利者航海不休將來隱憂非小舊志
所紀互市諸夷及諸貨物今不具載

已上三辨雜課曩惟魚課派濱海四縣餘皆七縣

勻派今不盡然則以條鞭法行取具額數而科舉
進士牌坊於課辦名色無與焉實皆丁料餘銀也
茲據各縣見徵者開列于左

晉江縣 牲口上下半年正價銀貳百伍拾壹兩
陸錢水脚銀肆兩貳分伍釐陸毫 改折黃白蠟
茶正價銀肆百捌拾叁兩貳錢叁分水脚銀肆拾
捌兩叁錢貳分叁釐 折色胖襖袴鞋正價銀貳
百柒拾陸兩捌錢肆分伍釐水脚銀肆兩肆錢貳
分玖釐 工部三司料正價銀柒百肆拾伍兩水
脚銀壹拾壹兩玖錢貳分 抵解無徵司庫鈔銀

縣兩茶錢叁分 料利銀壹千伍拾玖兩肆錢柒
分 農桑絹價銀玖錢捌分捌釐水脚銀肆分貳
釐 魚課銀捌百壹拾玖兩叁錢柒分伍釐 酒
稅銀伍拾貳兩陸錢閏月加銀肆兩叁錢捌分伍
釐七邑酒稅多寡不同俱解內監 科舉進士牌
坊銀貳百兩貳錢伍分

南安縣 段疋正價銀叁百玖拾陸兩柒錢伍分
叁釐有閏年加銀叁拾貳兩貳錢肆分肆釐水脚
銀貳拾捌兩玖錢玖分貳釐閏月加銀貳兩肆錢
叁分 權祇銀壹兩陸錢玖分壹釐閏月加銀壹

錢叁分

鐵課銀壹百玖拾玖兩壹錢玖分捌釐

閏月加銀壹拾柒兩伍分玖釐水脚銀壹百壹拾肆兩貳錢陸分閏月加銀柒兩貳錢柒分 工部

三司料正價銀捌百柒拾叁兩水脚銀壹拾叁兩

玖錢陸分捌釐

農桑絹價銀伍錢肆分伍釐水

脚銀貳分肆釐

魚課銀柒拾貳兩捌錢玖釐閏

月加銀陸兩陸分捌釐

酒稅銀陸兩閏月加銀

伍錢

稅課巡欄課銀肆拾陸兩閏月加銀叁兩

捌錢叁分

抵解無徵司庫鈔銀肆兩貳錢貳釐

貳毫

料剩銀壹百壹拾伍兩貳錢貳釐閏月加

銀伍拾陸兩柒分叁釐 科舉進士牌坊銀捌拾兩

同安縣 改折黃白蠟茶正價銀貳百貳拾捌兩伍錢捌分水脚銀貳拾貳兩捌錢伍分捌釐 折色厨料果品正價銀伍百陸拾肆兩捌錢肆分柒釐水脚銀玖兩叁分柒釐伍毫伍絲 弓弦箭料正價銀叁百肆拾捌兩肆錢叁分肆釐肆毫水脚銀陸拾陸兩玖錢柒分捌釐 工部三司料正價銀壹百伍拾兩水脚銀貳兩肆錢 農桑絹正價銀叁兩壹錢貳分水脚銀壹錢叁分貳釐 商稅

鑛冶銀拾肆兩壹錢捌釐肆絲 魚課銀貳百陸拾陸兩貳錢陸分貳釐閏月加銀貳拾壹兩叁錢玖毫 酒稅銀壹拾肆兩壹錢捌釐肆絲 抵解無徵司庫鈔銀貳兩玖錢捌分 料剩銀貳兩貳錢叁分肆釐叁毫 科舉進士牌坊銀肆拾兩 惠安縣 段疋正價銀壹百玖拾捌兩叁錢捌分 閏月加銀壹拾陸兩壹錢貳分叁釐水脚銀壹拾肆兩肆錢玖分伍釐捌毫閏月加銀壹兩貳錢壹分叁釐貳毫 櫃杖銀捌錢肆分伍釐伍毫閏月加銀陸分伍釐 軍器民辦正價銀叁百玖拾壹

兩肆錢捌分壹釐叁毫水脚銀柒拾肆兩捌錢肆
分 工部三司料正價銀伍百捌拾兩水脚銀玖
兩貳錢捌分 曆日紙張松烟工食銀伍拾玖兩
陸錢貳釐 農桑絹銀玖錢壹釐柒毫水脚銀叁
分捌釐 抵解無徵司庫鈔銀貳兩捌錢陸分
料剩銀壹拾柒兩肆錢柒分玖釐 酒稅銀柒兩
貳錢閏月加銀陸錢 魚課銀叁百貳拾捌兩伍
錢貳分捌釐閏月加銀貳拾柒兩叁錢柒分柒釐
叁毫 稅課局巡欄銀壹拾柒兩壹錢柒分閏月
加銀壹兩肆錢叁分捌毫